

Na osnovu člana 19. i člana 33. Statuta Samostalne demokratske srpske stranke (u daljem tekstu: SDSS), Glavni odbor SDSS-a na sjednici od 10. 05. 2002. godine donio je Odluku o osnivanju i organizacionoj strukturi organizacija SDSS-a, na sjednici od 12.06.2004. godine donio je Odluku o izmjenama i dopunama Odluke o osnivanju i organizacionoj strukturi organizacija SDSS-a, na sjednici od 04.07.2009. godine donio je Odluku o izmjenama i dopunama Odluke o osnivanju i organizacionoj strukturi organizacija SDSS-a, na sjednici od 22.12.2012. godine donio je Odluku o izmjenama i dopunama Odluke o osnivanju i organizacionoj strukturi organizacija SDSS-a, te na sjednici od 07.07.2018. godine donio je Odluku o izmjenama i dopunama Odluke i osnivanju i organizacionoj strukturi organizacija SDSS-a, kako slijedi:

O D L U K A
O OSNIVANJU I ORGANIZACIONOJ STRUKTURI ORGANIZACIJA SDSS-a
(prečišćeni tekst)

Član 1.

Ovom Odlukom uređuje se način osnivanja organizacija SDSS-a, sastav njihovih organa, način izbora, njihova prava i dužnosti i druga pitanja u vezi sa radom organizacija SDSS-a.

Pojmovi i izrazi koji se koriste u ovoj Odluci, a imaju rodno značenje, odnose se jednako na muški i ženski rod bez obzira u kojem su rodu navedeni.

Član 2.

Organizacija SDSS-a je osnovana kada u određenoj sredini formirani inicijativni odbor za osnivanje organizacije SDSS-a sazove osnivačku skupštinu, a osnivačka skupština donese odluku o osnivanju organizacije SDSS-a i izabere njene organe.

Član 3.

Cjelokupnu proceduru osnivanja organizacije SDSS-a koordinira Izvršni odbor SDSS-a.

Prijavu osnivanja gradskih-opštinskih i županijskih organizacija SDSS i prijavu promjena u njihovom djelovanju nadležnom tijelu državne uprave, podnosi Generalni sekretarijat SDSS-a.

Član 4.

Osnovni organizacijski oblik SDSS-a je gradska-općinska organizacija SDSS-a, koja se može organizirati u općini, gradu ili njihovom dijelu, a područje njezinog djelovanja ne mora se podudarati s područjem općine, grada ili njihovog dijela.

Ako ne postoje uvjeti za osnivanje osnovnog organizacijskog oblika SDSS-a, u pojedinim općinama ili gradovima, Izvršni odbor SDSS-a može imenovati povjerenika SDSS-a, čiji je zadatak okupljanje članova i osnivanje osnovnog organizacijskog oblika SDSS-a.

1. MJESNE ORGANIZACIJE SDSS-a

Član 5.

U sastavu gradske-općinske organizacije SDSS-a mogu se organizirati mjesne organizacije SDSS-a, za područje jedne ili više jedinica mjesne samouprave, prema odluci skupštine gradske-općinske organizacije SDSS-a, uzimajući u obzir broj članova SDSS-a, područje djelovanja ili druge posebne okolnosti.

Član 6.

Mjesne organizacije imaju skupštinu i izvršni odbor.

Skupština mjesne organizacije SDSS-a

Član 7.

Skupština je najviši organ mjesne organizacije SDSS-a.

Skupština mjesne organizacije SDSS-a održava se prema potrebi, a najmanje jedanput godišnje.

Sjednice Skupštine mjesne organizacije SDSS-a mogu biti redovne, vanredne, tematske i svečane.

Izbornu skupštinu mesne organizacije SDSS-a čine svi članovi mesne organizacije SDSS-a i održava se svake četiri godine.

Član 8.

Skupština mjesne organizacije SDSS-a obavlja slijedeće poslove:

- u skladu sa Programom SDSS-a, Novim programskim smjernicama, odlukama i stavovima Glavnog odbora SDSS-a donosi svoj godišnji program rada koji predstavlja konkretizaciju stvarnih interesa članstva i svih drugih građana na tom području,
- pokreće određene aktivnostima u skladu sa političkim prilikama na svom području kao i inicijative prema višim organima Stranke,
- bira predsjednika i potpredsjednika skupštine mjesne organizacije SDSS-a,
- bira izvršni odbor mesne organizacije SDSS-a,
- razmatra i usvaja izvještaje o radu svojih organa,
- određuje broj članova skupštine mesne organizacije SDSS-a prema utvrđenim kriterijima,
- iz svojih redova bira svoje predstavnike u skupštinu gradske-općinske organizacije SDSS-a, u čijem je sastavu,
- obavlja i druge poslove na nivou svoga djelovanja.

Član 9.

Odluka o izboru ili razrješenju predsjednika ili potpredsjednika skupštine mjesne organizacije SDSS-a donosi se većinom glasova ukupnog broja članova skupštine mjesne organizacije SDSS-a, na pisani prijedloga, sa potpisima najmanje pet članova skupštine.

Predsjednik skupštine mjesne organizacije SDSS-a ujedno je i predsjednik izvršnog odbora mjesne organizacije SDSS-a.

Potpredsjednik skupštine mjesne organizacije SDSS-a ujedno je i potpredsjednik izvršnog odbora mjesne organizacije SDSS-a.

Član 10.

U mjesnoj organizaciji SDSS-a broj članova redovne skupštine zavisi od broja članova SDSS-a u mjesnoj organizaciji SDSS-a:

- ako ima manje od 50 članova, skupštinu čine svi članovi mjesne organizacije SDSS-a,
- ako ima od 50 – 100 članova, skupština može brojati do 40 članova,
- ako ima više od 100 članova, skupština može brojati do 50 članova.

Izborna skupština mjesne organizacije SDSS-a može odlučiti da skupština mjesne organizacije broji i više od utvrđeg broja iz prethodnog stavka, srazmjerno uvećanom broju članova SDSS-a.

Ako mjesna organizacija SDSS-a ima više od 100 članova, na prijedlog izvršnog odbora gradske-općinske organizacije SDSS-a u čijem je sastavu, može se osnovati nova mjesna organizacija SDSS-a, uzimajući u obzir područje djelovanja i teritorijalnu pripadnost njezinih članova, vodeći računa o uravnoteženom broju članova svake od mjesnih organizacija SDSS-a. "

Broj članova skupštine mjesne organizacije SDSS-a može se povećati ili smanjiti samo u onoj razmjeri u kojoj se povećava ili smanjuje broj članova mjesne organizacije SDSS-a.

Član 11.

Po isteku mandata članova skupštine, na sjednici kojoj prisustvuje većina od ukupnog broja članova mjesne organizacije SDSS-a biraju se novi članovi skupštine mjesne organizacije SDSS-a.

Član 12.

Skupština mjesne organizacije SDSS-a predlaže iz reda svojih članova određen broj svojih predstavnika u skupštinu gradske-opštinske organizacije SDSS-a u čijem je sastavu mjesna organizacija SDSS-a.

Član 13.

Mandat članova skupštine mjesne organizacije SDSS-a traje 4 godine.

Ukoliko jednom ili više članova skupštine mjesne organizacije SDSS-a iz određenih razloga prestane mandat prije vremena, skupština će umjesto njih izabrati nove članove.

Izvršni odbor mjesne organizacije SDSS-a

Član 14.

Izvršni odbor mjesne organizacije SDSS-a je izvršni organ skupštine mjesne organizacije SDSS-a.

Član 15.

Izvršni odbor mjesne organizacije SDSS-a obavlja slijedeće poslove:

- operacionalizuje i provodi godišnji program rada skupštine mjesne organizacije SDSS-a,
- analizira aktuelne političke prilike na svom području i preduzima određene aktivnosti u skladu sa tim, daje prijedloge i upućuje inicijative izvršnim odborima na višem nivou organizovanja,
- obavlja poslove koje mu nalože izvršni odbori sa višeg nivoa organizovanja,
- obavlja i druge poslove na području i nivou svoga delovanja.

Član 16.

Izvršni odbor mjesne organizacije SDSS-a u pravilu ima 5 članova.

Ukoliko postoji naročito izražena i opravdana potreba, uz saglasnost izvršnog odbora gradske-opštinske organizacije SDSS-a, broj članova izvršnog odbora mjesne organizacije SDSS-a može se povećati.

Član 17.

Izvršni odbor mjesne organizacije SDSS predlaže bar jednog predstavnika te mjesne organizacije u izvršni odbor gradske-opštinske organizacije SDSS-a u čijem sastavu se mjesna organizacija SDSS-a nalazi.

Član 18.

Mandat članova izvršnog odbora mjesne organizacije SDSS-a traje 4 godine.

Ukoliko nekom od članova izvršnog odbora prije vremena prestane mandat iz određenih razloga, skupština mjesne organizacije SDSS-a bira umjesto njega drugog člana.

Član 19.

Za obavljanje administrativno-tehničkih poslova izvršni odbor mjesne organizacije SDSS-a može izabrati sekretara.

Član 20.

Briše se

Član 21.

Briše se

2. GRADSKE-OPŠTINSKE ORGANIZACIJE SDSS-a

Član 22.

Gradska-opštinska organizacija SDSS-a je osnovni oblik organizovanja SDSS-a, koja se može osnovati u opštini, gradu ili njihovom delu.

Broj mjesnih organizacija SDSS-a određuje strukturu i broj članova u organima gradskih-opštinskih organizacija SDSS-a u čijem sastavu se nalaze.

Član 23.

Gradske-opštinske organizacije SDSS-a imaju skupštinu, izvršni odbor i nadzorni odbor.

Skupština gradske-opštinske organizacije SDSS-a

Član 24.

Skupština je najviši organ gradske-opštinske organizacije SDSS-a.

Na gradsku-općinsku organizaciju SDSS-a, koja u svom sastavu nema mjesnih organizacije SDSS-a, na odgovarajući način se primjenjuju odredbe koje se odnose na mjesne organizacije SDSS-a, u vezi broja članova skupštine, kao i izbora ili razrešenja predsjednika ili potpredsjednika skupštine iz člana 6. i člana 7. ove Odluke.

Skupštinu gradske-općinske organizacije SDSS-a, koja u svom sastavu ima mjesne organizacije SDSS-a, čine predstavnici mjesnih organizacija SDSS-a koje odredi njihova skupština,

prema odluci koju je donio izvršni odbor gradske-općinske organizacije SDSS-a, prije održavanja izbornih skupština mjesnih organizacija SDSS-a.

Skupština gradske-opštinske organizacije SDSS-a održava se prema potrebi, a najmanje jedanput godišnje.

Član 25.

Skupština gradske-opštinske organizacije SDSS-a obavlja slijedeće poslove:

- na osnovu Programa SDSS-a, Novih programskih smjernica, odluka i stavova Glavnog odbora SDSS-a i godišnjih programa rada mjesnih organizacija SDSS-a u svom sastavu, skupština gradske-opštinske organizacije SDSS-a donosi svoj godišnji program rada,
- pokreće određene aktivnosti u skladu sa političkim prilikama na svom području, pokreće inicijative prema višim organima Stranke,
- bira predsjednika i potpredsjednika skupštine gradske - opštinske organizacije SDSS-a,
- bira izvršni i nadzorni odbor gradske-opštinske organizacije SDSS-a,
- razmatra i usvaja izvještaj o radu svojih organa,
- određuje strukturu i broj članova skupštine gradske-opštinske organizacije SDSS-a prema utvrđenim kriterijima,
- iz svojih redova bira svoje predstavnike u skupštinu županijske organizacije SDSS-a, u čijem je sastavu,
- obavlja i druge poslove na nivou svoga djelovanja.

Član 26.

Odluka o izboru ili razrješenju predsjednika ili potpredsjednika skupštine gradske-općinske organizacije SDSS-a, koja u svom sastavu ima mjesne organizacije SDSS-a, donosi se većinom glasova ukupnog broja članova skupštine gradske-općinske organizacije SDSS-a, na prijedlog izvršnog odbora mjesne organizacije SDSS-a u njezinom sastavu ili na pisani prijedlog sa potpisima najmanje deset članova skupštine.

Predsjednik skupštine gradske-opštinske organizacije SDSS-a ujedno je i predsjednik izvršnog odbora gradske-opštinske organizacije SDSS-a.

Potpredsjednik skupštine je ujedno i potpredsjednik izvršnog odbora gradske-opštinske organizacije SDSS-a.

Član 27.

U gradskoj-općinskoj organizaciji SDSS-a, koja u svom sastavu ima mjesne organizacije SDSS-a, broj članova redovne skupštine zavisi od broja članova gradske-općinske organizacije SDSS-a i broja mjesnih organizacija SDSS-a u njezinom sastavu:

- ako ima do 100 članova ili dvije mjesne organizacije SDSS-a – skupština može brojiti do 30 članova
- ako ima od 100-200 članova ili dvije mjesne organizacije SDSS-a – skupština može brojiti do 40 članova,
- ako ima od 200-300 članova ili tri mjesne organizacije SDSS-a – skupština može brojiti do 50 članova,
- ako ima od 300-400 članova ili četiri mjesne organizacije SDSS-a - skupština može brojati do 60 članova.
- ako ima više od 400 članova ili više od četiri mjesne organizacije SDSS-a – skupština može imati na svakih 100 članova povećanje po 5 članova skupštine više.

Prije održavanja izbornih skupština mjesnih organizacija SDSS-a, izvršni odbor gradske-općinske organizacije SDSS-a će svojom odlukom odrediti broj članova svoje redovne skupštine i

broj predstavnika svake mjesne organizacije SDSS-a u sastavu redovne skupštine gradske-općinske organizacije SDSS-a, prema kriterijima iz prethodnog stavka.

Član 28.

Broj članova Skupštine može se povećati ili smanjivati samo u slučaju povećavanja ili smanjivanja broja članova gradske-opštinske organizacije SDSS-a.

Ukoliko nekom od članova skupštine iz određenih razloga prestane mandat i prije njegovog isteka, može se izabrati drugi član u kvotu predstavnika skupštine mesne organizacije SDSS-a kojoj je pripadao prethodni član.

Mandat članova skupštine traje 4 godine.

Član 29.

Skupština gradske-opštinske organizacije SDSS-a predlaže iz svojih redova određen broj predstavnika u skupštinu županijske organizacije SDSS-a.

Izvršni odbor gradske-opštinske organizacije SDSS-a

Član 30.

Izvršni odbor je izvršni organ skupštine gradske-opštinske organizacije SDSS-a.

Član 31.

Izvršni odbor gradske-opštinske organizacije SDSS-a obavlja slijedeće poslove:

- operacionalizuje i provodi godišnji program rada skupštine gradske-opštinske organizacije SDSS-a,
- analizira aktuelne političke prilike na svom području i preuzima određene aktivnosti u skladu sa tim, daje prijedloge i upućuje inicijative izvršnim odborima na višem nivou organizovanja,
- obavlja poslove koje mu nalože izvršni odbori sa višeg nivoa organizovanja,
- obavlja i druge poslove na području i nivou svoga djelovanja.

Član 32.

Izvršni odbor gradske-opštinske organizacije u pravilu ima 7 članova.

Svake mjesna organizacija SDSS-a u sastavu gradske-opštinske organizacije ima bar po jednog predstavnika u Izvršnom odboru gradske-opštinske organizacije SDSS-a.

Izuzetno, ako gradske-opštinske organizacije SDSS-a imaju u svom sastavu više mjesnih organizacija SDSS-a ili ako za to postoje drugi razlozi (broj članova, širina prostora djelovanja), broj članova izvršnog odbora gradske-opštinske organizacije SDSS-a može se povećati na osnovu odluke skupštine gradske-opštinske organizacije, uz saglasnost Izvršnog odbora SDSS-a.

Član 33.

Mandat članova Izvršnog odbora gradske-opštinske organizacije SDSS-a traje 4 godine.

Ako nekom od članova izvršnog odbora prestane mandat i prije nego što je istekao, može se izabrati novi član iz izvršnog odbora one mesne organizacije SDSS-a iz koje je bio prethodni član.

Član 34.

Izvršni odbor gradske-opštinske organizacije SDSS-a predlaže bar jednog predstavnika te gradske-opštinske organizacije SDSS-a u izvršni odbor županijske organizacije SDSS-a u čijem je sastavu.

Član 35.

Za obavljanje administrativno-tehničkih poslova izvršni odbor gradske-opštinske organizacije SDSS-a bira sekretara.

Nadzorni odbor gradske-opštinske organizacije SDSS-a

Član 36.

Nadzorni odbor gradske-opštinske organizacije SDSS-a obavlja nadzor nad zakonitošću akata koje donose organi gradske-opštinske organizacije SDSS-a i njihovu saglasnost sa Satutom SDSS-a.

Član 37.

Nadzorni odbor gradske-opštinske organizacije SDSS-a ima 3 člana.

Predsjednika i članove nadzornog odbora gradske-opštinske organizacije SDSS-a bira skupština gradske-opštinske organizacije SDSS-a na 4 godine.

U slučaju prestanka mandata nekog od članova nadzornog odbora pre njegovog isteka, može se izabrati drugi član umjesto njega.

3. ŽUPANIJSKE ORGANIZACIJE SDSS-a

Član 38.

Županijske organizacije SDSS-a su sačinjene od određenog broja gradskih-opštinskih organizacija SDSS koje su međusobno funkcionalno povezane u logičnu teritorijalnu cjelinu, u pravilu u okviru jedne županije, a iznimno može i za više županija.

Županijska organizacija SDSS-a mora da ima u svom sastavu bar 3 gradske-opštinske organizacije SDSS-a.

Broj gradskih-opštinskih organizacija SDSS-a u sastavu županijske organizacije SDSS-a, odnosno broj članova u njima, određuje strukturu i broj članova u organima županijske organizacije SDSS-a.

Član 39.

Županijske organizacije SDSS-a imaju skupštinu, izvršni odbor i nadzorni odbor.

Skupština županijske organizacije SDSS-a

Član 40.

Skupština je najviši organ županijske organizacije SDSS-a.

Skupština županijske organizacije SDSS-a održava se po potrebi, a najmanje jedanput godišnje.

Član 41.

Skupština županijske organizacije SDSS-a obavlja slijedeće poslove:

- na osnovu Programa SDSS-a, Novih programskih smjernica, odluka i stavova Glavnog odbora SDSS-a i godišnjih programa rada gradskih-opštinskih organizacija SDSS-a u svom sastavu donosi svoj godišnji program rada,
- pokreće određene aktivnosti u skladu sa političkim prilikama na svom području, pokreće inicijative prema višim organima Stranke,
- bira predsjednika i potpredsjednika skupštine,
- bira izvršni i nadzorni odbor županijske organizacije SDSS-a,
- razmatra i usvaja izvještaj o radu svojih organa,
- određuje strukturu i broj članova skupštine županijske organizacije SDSS-a prema utvrđenim kriterijima,
- iz svojih redova bira svoje predstavnike u Glavnu skupštinu SDSS-a,
- obavlja i druge poslove na nivou svoga djelovanja.

Član 42.

Odluka o izboru ili razrešenju predsjednika ili potpredsjednika skupštine županijske organizacije SDSS-a donosi se većinom glasova ukupnog broja članova skupštine županijske organizacije SDSS-a, na prijedlog izvršnog odbora gradske-općinske organizacije SDSS-a u njezinom sastavu ili na pisani prijedlog sa potpisima najmanje deset članova skupštine.

Predsjednik skupštine županijske organizacije SDSS-a ujedno je i predsjednik izvršnog odbora županijske organizacije SDSS-a.

Potpredsjednik skupštine županijske organizacije SDSS-a ujedno je i potpredsjednik izvršnog odbora županijske organizacije SDSS-a.

Član 43.

U županijskoj organizaciji SDSS-a, broj članova redovne skupštine zavisi od broja članova županijske organizacije SDSS-a i broja gradskih-općinskih organizacija SDSS-a u njenom sastavu:

- ako ima do 100 članova ili dvije gradske-općinske organizacije SDSS-a – skupština može brojiti do 30 članova,
- ako ima od 100-200 članova ili tri gradske-općinske organizacije SDSS-a – skupština može brojiti do 45 članova,
- ako ima od 200-400 članova ili tri do pet gradskih-općinskih organizacija SDSS-a – skupština može brojiti do 60 članova,
- ako ima od 400-600 članova ili pet do osam gradskih-općinskih organizacija SDSS-a - skupština može brojiti do 70 članova,
- ako ima od 600-1000 članova ili više do osam gradskih-općinskih organizacija SDSS-a - skupština može brojiti do 80 članova,
- ako ima više od 1000 članova – skupština može imati na svakih 100 članova povećanje po 5 članova skupštine više.

Prije održavanja izbornih skupština gradskih-općinskih organizacija SDSS-a, izvršni odbor županijske organizacije SDSS-a će svojom odlukom odrediti broj članova svoje redovne skupštine i broj predstavnika svake gradske-općinske organizacije SDSS-a u sastavu redovne skupštine županijske organizacije SDSS-a, prema kriterijima iz predhodnog stavka.

Član 44.

Broj članova skupštine županijske organizacije SDSS-a može se povećavati ili smanjivati samo u onoj mjeri u kojoj se povećava ili smanjuje broj članova u županijskoj organizaciji SDSS-a.

Ako nekom od članova skupštine prestane mandat prije njegovog isteka, može se izabrati novi član iz skupštine gradske-opštinske organizacije SDSS kojoj je prethodni član pripadao.

Mandat članova skupštine traje 4 godine.

Član 45.

Skupština županijske organizacije SDSS-a predlaže iz svojih redova određen broj predstavnika u Glavnu skupštinu SDSS-a, u skladu s odlukom Glavnog odbora SDSS-a.

Izvršni odbor županijske organizacije SDSS-a

Član 46.

Izvršni odbor županijske organizacije SDSS-a je izvršni organ skupštine županijske organizacije SDSS-a.

Član 47.

Izvršni odbor županijske organizacije SDSS-a obavlja slijedeće poslove:

- operacionalizuje i provodi godišnji program rada skupštine županijske organizacije SDSS-a,

analizira aktuelne političke prilike na svom području i preduzima određene aktivnosti u skladu s tim, upućuje prijedloge i inicijative Izvršnom odboru SDSS-a,

- obavlja poslove koje mu povjeri Izvršni odbor SDSS-a,
- obavlja i druge poslove na području i nivou svoga djelovanja.

Član 48.

Izvršni odbor županijske organizacije SDSS-a u pravilu ima 7 članova.

Izvršni odbor svake od gradskih-opštinskih organizacija u sastavu županijske organizacije SDSS-a predlaže bar jednog predstavnika te gradske organizacije SDSS-a u izvršnom odboru županijske organizacije SDSS-a.

Izuzetno, ako županijska organizacija SDSS-a ima u svom sastavu više od 7 gradskih-opštinskih organizacija SDSS-a, broj članova izvršnog odbora županijske organizacije SDSS za toliko se povećava.

Član 49.

Mandat članova izvršnog odbora županijske organizacije SDSS-a traje 4 godine.

Ako nekom od članova izvršnog odbora prestane mandat i prije nego što je istekao, može se izabrati novi član iz izvršnog odbora one gradske-opštinske organizacije SDSS-a iz koje je bio prethodni član.

Član 50.

Za obavljanje administrativno-tehničkih poslova izvršni odbor županijske organizacije SDSS-a bira sekretara.

Ako postoje za to sve potrebne pretpostavke, može se formirati regionalni sekretarijat.

Nadzorni odbor županijske organizacije SDSS-a

Član 51.

Nadzorni odbor županijske organizacije SDSS-a obavlja nadzor nad zakonitošću akata koje donose organi županijske organizacije SDSS-a i njihovu saglasnost sa Statutom SDSS-a.

Član 52.

Nadzorni odbor županijske organizacije SDSS-a ima 3 člana.

Predsjednika i članove nadzornog odbora županijske organizacije SDSS-a bira skupština županijske organizacije SDSS-a na 4 godine.

U slučaju prestanka mandata nekog od članova nadzornog odbora prije njegovog isteka, može se izabrati drugi član umjesto njega.

4. POSEBNE ODREDBE

Interesno organiziranje SDSS-a

Član 53.

Omladinske organizacije SDSS-a su oblik političkog organizovanja i djelovanja mladih članova SDSS-a od 18 do 30 godina starosti i mogu se osnovati u sastavu gradske-općinske organizacije SDSS-a, ako dotična organizacija SDSS-a ima najmanje 10 članova SDSS-a utvrđene dobi"

Omladinske organizacije SDSS-a su organizacioni dio SDSS-a i nemaju svojstvo pravne osobe.

Član 54.

Omladinske organizacije mogu se osnivati u sastavu gradski-opštinskih i županijskih organizacija SDSS-a, a sve zajedno čine jedinstvenu Omladinsku organizaciju SDSS-a.

Ukoliko je u sastavu organizacije SDSS-a osnovana omladinska organizacija SDSS-a njen predsjednik je po funkciji član izvršnog odbora organizacije SDSS-a, u čijem je sastavu.

Predsjednik Omladinske organizacije SDSS-a je po funkciji član Glavnog odbora SDSS-a.

Član 55.

Organi svake omladinske organizacije SDSS-a su: skupština i izvršni odbor.

Skupština svake omladinske organizacije SDSS-a obavlja slijedeće poslove:

- donosi godišnji program rada omladinske organizacije SDSS-a
- usvaja izvještaj o radu
- bira i razrješava svoga predsjednika i potpredsjednika
- bira i razrješava članove svoga izvršnog odbora.

Predsjednik i potpredsjednik Skupštine omladinske organizacije SDSS-a su istovremeno i predsjednik i potpredsjednik izvršnog odbora omladinske organizacije SDSS-a.

Član 56.

Skupštinu omladinske organizacije SDSS-a osnovane u sastavu gradske-opštinske organizacije SDSS-a čine svi njeni članovi.

Skupštinu ostalih omladinskih organizacija SDSS-a, čine predstavnici neposredno nižih omladinskih organizacija SDSS-a razmjerno broju svojih članova, što će se utvrditi odlukom izvršnog odbora organizacije SDSS-a u čijem je sastavu.

Član 57.

Izvršni odbor omladinske organizacije SDSS-a obavlja slijedeće poslove:

- provodi godišnji program rada Skupštine omladinske organizacije SDSS-a,
- izvršava odluke Skupštine i Izvršnog odbora organizacije SDSS-a u čijem je sastavu,
- podnosi izvještaj o radu i odgovoran je za rad Skupštini omladinske organizacije SDSS-a,
- obavlja i druge poslove na području i nivou svoga djelovanja.

Član 58.

Izvršni odbor svake omladinske organizacije SDSS-a u pravilu ima 5 članova, ali može imati i veći broj članova ukoliko se za to ukaže potreba radi boljeg djelovanja ili bolje predstavljenosti omladinskih organizacija SDSS-a u njenom sastavu.

Član 59.

Odluku o osnivanju Omladinske organizacije SDSS-a, u sastavu SDSS-a kao cjeline, donosi Glavni odbor SDSS-a, koji će utvrditi broj i strukturu članova njezine Skupštine i izvršnog odbora.

Izvršni odbor Omladinske organizacije SDSS-a ima onoliko članova koliko je potrebno da svaka županijska omladinska organizacija SDSS-a u njenom sastavu, bude predstavljena sa najmanje jednim svojim predstavnikom.

Skupština Omladinske organizacije SDSS-a, svojom odlukom o izboru članova Izvršnog odbora Omladinske organizacije SDSS-a utvrđuje njegov broj i sastav.

Član 60.

Na ostala pitanja u vezi omladinskih organizacija SDSS-a na odgovarajući način se primjenjuju odredbe koje se odnose na druge organizacije SDSS-a.

Član 61.

Osim omladinskih organizacija u sastavu gradskih-opštinskih i županijskih organizacija SDSS-a mogu se osnivati i drugi interesni oblici organizovanja SDSS-a (žene, studenti, umirovljenici, zeleni i sl.

Na osnivanje i druga pitanja u vezi omladinskih i drugih interesnih oblika organizovanja SDSS-a, na odgovarajući način se primjenjuju odredbe koje se odnose na organizacije SDSS-a.

Član 62.

Aktivi žena organizacija SDSS-a su oblici interesno-političkog organizovanja i djelovanja žena članica SDSS-a.

Aktivi žena organizacija SDSS-a su organizacioni dijelovi organizacija SDSS-a u čijem su sastavu i nemaju svojstvo pravne osobe.

Član 63.

Aktiv žena organizacija SDSS-a mogu se osnivati u sastavu gradskih-opštinskih i županijskih organizacija SDSS-a, a na nivou SDSS-a kao cjeline može se osnovati jedinstveni Aktiv žena SDSS-a.

Aktiv žena gradske-opštinske organizacije SDSS-a može se osnovati ako organizacija SDSS-a ima najmanje 10 članica SDSS-a.

Član 64.

Odluku o osnivanju pojedinog aktiva žena organizacije SDSS-a donosi izvršni odbor dotične organizacije SDSS-a.

Izvršni odbor županijske organizacije SDSS-a koordinira osnivanje aktiva žena gradskih-opštinskih organizacija SDSS-a koje su u njenom sastavu, a Izvršni odbor SDSS-a koordinira osnivanje aktiva žena županijskih organizacija SDSS-a.

Ukoliko je u sastavu organizacije SDSS-a osnovan aktiv žena organizacije SDSS-a njena predsjednica je po funkciji članica izvršnog odbora organizacije SDSS-a, u čijem je sastavu.

Glavni odbor SDSS-a donosi odluku o osnivanju Aktiva žena SDSS-a na nivou SDSS-a kao cjeline.

Član 65.

Organi svakog aktiva žena organizacije SDSS-a su: skupština i izvršni odbor.

Skupština aktiva žena organizacije SDSS-a obavlja slijedeće poslove:

- donosi godišnji program rada aktiva žena organizacije SDSS-a,
- usvaja izvještaj o radu
- bira i razrješava svoju predsjednicu i potpredsjednicu,
- bira i razrješava članice svoga izvršnog odbora.

Predsjednica i potpredsjednica skupštine aktiva žena organizacije SDSS-a je istovremeno i predsjednica i potpredsjednica izvršnog odbora aktiva žena organizacije SDSS-a.

Član 66.

Skupštinu aktiva žena gradske-opštinske organizacije SDSS-a čine sve njene članice.

Skupštinu aktiva žena županijskih organizacija SDSS-a, čine predstavnice neposredno nižih aktiva žena organizacija SDSS-a razmjerno broju svojih članica, što će se utvrditi odlukom izvršnog odbora organizacije SDSS-a u čijem je sastavu.

Skupštinu Aktiva žena SDSS-a na nivou SDSS-a kao cjeline čine predstavnice neposredno nižih aktiva žena organizacija SDSS-a, čiji broj i strukturu će svojom odlukom odrediti Glavni odbor SDSS-a.

Član 67.

Izvršni odbor aktiva žena organizacije SDSS-a obavlja slijedeće poslove:

- provodi godišnji program rada i izvršava odluke i zaključke Skupštine aktiva žena organizacije SDSS-a,
- izvršava odluke Skupštine i Izvršnog odbora organizacije SDSS-a u čijem je sastavu,
- podnosi izveštaj o radu i odgovoran je za rad Skupštini aktiva žena organizacije SDSS-a,
- obavlja i druge poslove na području i nivou svoga djelovanja.

Član 68.

Izvršni odbor svakog aktiva žena organizacije SDSS-a u pravilu ima 5 članova, ali može imati i veći broj članova ukoliko se za to ukaže potreba radi boljeg djelovanja ili bolje predstavljenosti aktiva žena organizacija SDSS-a u njenom sastavu.

Član 69.

Izvršni odbor Aktiva žena SDSS-a na nivou SDSS-a kao cjeline ima onoliko članova koliko je potrebno da svaki Aktiv žena županijske organizacije SDSS-a u njenom sastavu, bude predstavljena sa najmanje jednom svojom predstavnicom.

Skupština Aktiva žena SDSS-a na nivou SDSS-a kao cjeline, svojom odlukom o izboru članova svog Izvršnog odbora utvrđuje njegov broj i strukturu. “

5. PRELAZNE I ZAVRŠNE ODREDBE

Član 70.

U pojedinim opštinama, gradovima i županijama u kojima ne postoje uslovi za osnivanje organizacija SDSS-a Izvršni odbor SDSS-a može imenovati povjerenika.

Povjerenik na tom prostoru predstavlja SDSS i za svoj rad odgovara Izvršnom odboru SDSS-a.

Isto važi i za mjesne organizacije SDSS-a, a povjerenike imenuju gradske-opštinske organizacije SDSS-a.

Član 71.

Predsjedništvo SDSS-a, može donijeti odluku o profesionalnom obavljanju neke od funkcija na bilo kom nivou organizovanja SDSS-a ako za to postoji potreba i mogućnost.

Član 72.

Odluku o prestanku rada organizacija SDSS-a donosi Glavni odbor SDSS-a.

Član 73.

Briše se

Član 74.

Stupanjem na snagu ove Odluke prestaje važiti prečišćeni tekst Odluke o osnivanju i organizacionoj strukturi organizacija Samostalne demokratske srpske stranke iz oktobra 1998. godine i Pravilnik o osnivanju, oblicima organizovanja i izboru organa regionalnih organizacija SDSS od novembra 1998. godine.

Član 75.

Ova Odluka stupa na snagu danom donošenja, a primjenjivat će se od istog tog dana.